

# 2011 Manitoba Onashowaadeg Mooshka'ogowin Ji-onaakonigaadeg

*To anyone who is a member of the Pinaymootang (Fairford), Little Saskatchewan, Lake St. Martin, or Dauphin River First Nations, who lived in Manitoba during the 2011 Flood:*

## GIIZHAAKONIGEWIN

Imaa Manitoba Onashowewigamigong ogii-giizhaakonaanaawaa' aaniin gaa-izhiwebiziwaad Pinaymootang, Gaa-giishkikamigaag, Obashkodeyaang zhigwa Zaaskajiwaning onji Anishinaabeg apii 2011 gaa-akiiwang gaa-mooshka'ogowaapan.

Aana-gii-debimaasiwindwaa, Manitoba Gichi-ogimaawin zhigwa Canada inaaakonigewag wii-diba'igewaad **\$90,283,000.00**. Da-dago-diba'amawaawag naadamaagewininiwag (wiijichigewaad) zhigwa gaa-inagindenig owe izhichigewin.

Gakina Pinaymootang, Gaa-giishkikamigaag, Obashkodeyaang, Zaaskajiwanning onji apii gaa-mooshka'ang 2011 gaa-akiiwang omaa Manitoba daa-gagwedwewag ji-diba'amawindwaa ji-meshkwaji-ayaawaad gaa-gii-izhiwebiziwaad.

- **Meshkwaji-ayaawin Diba'igewin:** Awiya gaa-gii-mooshka'ogowaad 2011 gaa-akiiwang, giishin ji-gii-maajiigoziwaad gemaa gii-gibichiiwaad aana-gii-zanaganinig odishkoniganiwaang. Da-onachigaadeni ingiwe giishpin gii-gibichiiwaad gemaa gii-maajiigoziwaad imaa onji niwin ishkonganan
- **Bebikish Izhiwebiziwin:** Nenishike awiyag da-gagwedwewag ji-diba'amawindwaaban gegoon gii-wanitoowaad, gii-gashkichigesigwaa, gegoon gii-maanzhisewaad apii 2011 gaa-mooshka'ang mashi diba'igaadesinonig.

Gii-onachigaade diba'igewin awenenag aaniin minik gaa-anda-gagwedwewaad ji-diba'amawindwaaban, zanagan ji-agingjaadeg aaniin minik ebid zhooniyaa awiyag ge-miinindwaaban.

## GAGWEDWEWIN DIBA'IGEWIN

Ji-gagwedweyan diba'igewin imaa Giizhaakonigewining, wiijiwesewaad imaa ji-mooshkinebii'igewaad gaa-niigaanishkaminid onji iwe onaakonigewin, ji-ayaajigaadegin gakina mazina'igan ge-andawenjigaadegin, ji-izhiwijigaadegin gemaa giin igo ji-anda-miigiweyan aandi dezhanjigaadegin jibwaa **July 17, 2018** bagamiseg. Giishpin awiya imaa ezhi-dibendaagozid gaachidinanzigwaa ji-mooshkinebii'igewaad, gaawiin awe da-ondizisii iwe diba'igewin imaa izhichigewining onji.

Wiindamaage mazina'ignan gidaa-ondinaanan ji-mooshkinebii'aman maagonaman owe [www.manitobafloodclassaction.com](http://www.manitobafloodclassaction.com) maagoniganing gemaa gidaa-ganoonaa gaa-niigaanishkang niisaya'ii omaa.

Miziwe omaa Manitoba da-atewan ji-wiindamaageng owe izhichigewin (inaabin niisaya'ii aaniin apii ini), da-ayaa imaa gaa-niigaanishkang ji-waawiji'aad ge-mooshkinebii'igenid. Gaawiin memwech ji-diba'aman izhaa ono ge-maama'oobing.

## NAADAMAAGE DIBA'IGEWIN

Manitoba Gichi-onashowewin ji-diba'amawindwaa wiiji'iwewaad, gaawiin awashime 15% dibach ge-diba'igeng, zhigwa bebakaan gegoon ge-agindeg. Naadamaagewininiwag gii-mazina'ige'aawag apii andawenimindwaa, wiinawaa gaye ji-dadiiba'amawaad gegoon onaakonigaadeg owe izhichigewin minik ji-giizhaakonigaadenig.

Giishpin awiya noonde-mazina'ige'aad naadamaagewininiwan ji-wiiji'igod odoonashowewin owe onji, wiinawaa ji-diba'aawaad ji-wiiji'igoowaad.

## AWASHIME JI-GIKENDAMAN

Wiindamaage mazina'ignan gidaa-ondinaanan ji-mooshkinebii'aman maagonaman owe [www.manitobafloodclassaction.com](http://www.manitobafloodclassaction.com) maagoniganing gemaa gidaa-ganoonaa gaa-niigaanishkang niisaya'ii omaa.

**Email:** [manitobaflood@ricepoint.com](mailto:manitobaflood@ricepoint.com)

**Call toll-free:** 1-866-934-0509

## GEGOON JI-MINJIMENDAMAN:

**Wiindamaagewin Maama'oobing:**

**RBC Convention Centre (Winnipeg, MB):**

**April 24 apii 11 a.m. akoo 8 p.m.**

**April 25 apii 10 a.m. akoo 4 p.m.**

**Gypsumville Hall (Gypsumville, MB):**

**April 26 apii 11 a.m. akoo 8 p.m.**

**April 27 at 10 a.m. akoo 4 p.m.**

**Ge-giizhikiseg ji-mooshkinebii':**

**Tuesday, July 17, 2018**